



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XVIII. Quod haec conditio, si preces veritate nitantur, est subintelligenda,
etsi non apponatur.

urn:nbn:de:hbz:466:1-15588

vel alia huiusmodi causa se absentauerit, num infra præfixum tempus iudici possit suam præsentiam exhibere. Super quo itaque inquisitioni tuæ taliter respondemus, quod nec debet, nec potest testimonium habere, quamuis paratus sit coram iudice delegato testibus idoneis possessionem & deiectionem suam probare: nisi is qui possidet, terminum prorogauerit. Exspirat enim iurisdictio sua, quia si ne consensu vtriusque partis non licet iudici terminum prorogare aliquatenus præfixum a delegatore.

C A P. XVIII. *Idem R. Cantuariensi archiepiscopo.*

Ex parte venerabilis fratri nostri Couentrensis episcopi, auribus nostris est intimatum, quod cum de causa quæ inter G. & F. clericum super præbenda de Norbale diligenter cognouisset, & eidem G. secundum tenorem literarum nostrarum, in quibus continebatur, quod si constaret prædictum F. de periurio esse conuictum, & perpetuo illi præbendæ renuntiasse, ab eadem præbenda, appellatione cessante, amoueretur. Eoque cognito & probato, cum prælibatam præbendam G. adiudicasset, prædictus F. in vocem appellationis prorupit, & ad nos veniens, secundum hunc tenorem literas reportauit, quod ei præcise & absque causæ cognitione restitueres, & ipsum qui post appellationem eum præbenda spoliavit, auctoritate alicui beneficium auferendi, appellatione cessante, priuares, donec per se vel per nuntium, aut per literas suas satisfacturus, ad sedem apostolicam accederet, & prænominatum G. si eumdem F. super iam dicta præbenda præsumeret molestare, vinculo excommunicationis usque ad dignam satisfactionem adstringeret.

Subintelligendā conditionem, si preces veritate nitantur. Vnde quia non credimus nos ita præcise scripsisse, & si taliter scripsimus, hoc ex nimia occupatione contingit, & in huiusmodi literis intelligenda est conditio, etiamsi non apponatur, si preces veritate nitantur, fraternitati tuæ taliter, &c. quatenus inspecto tenore literarum, quas prædicto episcopo direximus, si inuenieris quod secundum prædictum modum ei scripsimus, & in literis quas præfatus F. reportauit, non fuit habitamentio priorum literarum, sententiam præfati episcopi, omni contradictione & appellatione cessante, confirmes,

ANNO CHRISTI 1179. & prædictum F. cum literis nostris, quas tibi detulit, ad præsentiam nostram venire compellas.

C A P. XIX. *Idem* Exonienſi episcopo.*

Ad hæc cum aliquis nimis prolixum terminum sue appellationi præfigit, iudex potestatem habet competenti modo abbreviandi: & si in termino de tempore abbreviando competenter statuto appellationem non fuerit prosecutus, nec canonicam executionem prætenderit: sententia, si lata est, tenet. Quod si lata non est, iudex appellantem, appellatione cessante, potest compellere infra terminum statutum appellationem prosequi, vel coram se iudicio stare.

C A P. XX. *Idem Carnotensi episcopo.*

Sane quia nos in primis consulere voluisti, qualiter a nobis iudex delegatus episcopum, qui ei non subest, ad aliquid dandum vel faciendum compellere debeat, cum causam, quæ inter episcopum & clericum vel laicum veritatur, a mandato nostro suscipit terminandam: id tuæ quæstioni damus responsum, quod iudex a nobis delegatus, vices nostras gerit, vnde in causa illa est superior & maior illis, quorum causam suscipit terminandam: ideo si episcopus vel alia persona, quæ non sit de iurisdictione illius, in causa quam illi delegamus rebellis aut contumax fuerit, secundum qualitatem vel quantitatem facti, poterit vel interdicti, vel suspensionis sententia a iudice delegato compelli; ita quod iudex secundum negotii qualitatem temperate procedens, episcopo vel ingressum ecclesiarum, vel sacerdotale officium interdicat, aut etiam terram illius, quæ ad iurisdictionem suam specialiter pertinet, interdicto supponat. De testibus autem non habemus in sacris Canonibus, quod cogendi sint, sed admonendi, cum celare veritatem, sicut dicere falsum, mortale deputetur sæpe delictum. Quæstioni vero quam facis, vtrum appellationi illius sit deferendum, qui (sicut mos est) præstito iuramento absolui inhibetur, si antequam aliquid ei mandatum est, appellat, vel si mandato recepto, causa diffugii appellat: taliter respondemus; quod postquam iuraverit, appellationi eius, quæ iuramento derogat, penitus

Concil. Tom. 27.

Zzz ij

6. Quæst. i.
Et illi qui.